

FEDJE KOMMUNE

Sakspapir

SAKSGANG			
Styre, utval, komite m.m.	Møtedato	Saksnr	Sakshands.
Formannskap	22.05.2006	041/06	GUDDA
Kommunestyret	08.06.2006	031/06	GUDDA

Avgjerd av: Saksansv.: Dagrun Gunnarson	Arkiv: K1-223 Objekt:	Arkivsaknr 2006000245
--	--	---------------------------------

TILSKOTT TIL POLITISKE PARTI I FEDJE KOMMUNE

Dokumentliste:

Nr	T	Dok.dato	Avsendar/Mottakar	Tittel
1	I	25.04.2006	Nergård Jens-Oscar	FW: STATLIG TILSKUDD TIL POLITISKE PARTIER - KOPI AV BREV 6.12.2005 TIL ALLE KOMMUNER OG FYLKESKOMMUNER

Aktuelle lover, forskrifter, avtalar m.m.:

Lov om visse forhold vedrørende de politiske partiene, av 17. juni 2005

Kva saka gjeld:

Satsar for støtte til lokale politiske parti.

Bakgrunn for saka:

Før 01.01.06 løyvde Stortinget støtte til dei politiske partia sine lokale organisasjonar (*stemmestøtte*), og til kommunestyregruppene (*grunnbeløp og representanttillegg*). Denne støtta vart betalt ut av kommunane i byrjinga av året, og refundert av fylkesmannen på slutten av året. Pr. 01.01.06 er denne ordninga endra.

Saksutgreiing:

Tidlegare ordning med statleg støtte til lokale partigrupper er no endra. Støtte gjeve til dei lokale partia etter røystetal ved sist kommuneval (*stemmestøtte*), er no overteke av fylkesmannen. Fylkesmannen betaler no ut direkte støtta til dei lokale partia, i staden for at kommunen betaler ut og så søker om refusjon.

Når det gjeld støtte til dei partia som har ei gruppe i kommunestyret (tidl. *grunnbeløp*) og støtte pr. representant dei har i kommunestyret (tidl. *representanttillegg*), skal dette framleis betalast ut av kommunen. Tidlegare fekk kommunen heile beløpet refundert av fylkesmannen. Desse midlane er no lagt inn i det generelle rammetilskotet til kommunane, og det vil såleis vera opp til den enkelte kommune om ein vil vidareføre ei slik støtteordning. Etter den nye lova ligg det ikkje noko plikt på kommunane til å gje støtte til sine folkevalde grupper. Kommunane avgjer difor omfanget av støtta, men dersom kommunane vil iverksetje slik

økonomisk støtte, må ein følgja føresetnadene i partilova. I dette ligg det at eventuell støtte skal ystast høvesvis etter valoppslutning, jf. tidlegare ordning.

I budsjettet 2006 er det lagt inn kr 40 000 til slike tilskot, men der er det og rekna med kr 40 000 i refusjon, som me altså ikkje kjem til å få. Saka må difor også opp i ei budsjetrullering.

Dei 40 000 kr det er budsjettert med for 2006, innbefattar og ”stemmestøtta”, som frå 01.01.06 vert betalt ut direkte frå fylkesmannen, totalt ca. 6000 kr fordelt på dei ulike partia.

Satsane frå 2005 var 3089,56 kr i grunnbeløp til kommunestyregruppa (uansett storleik) + 1110,18 kr pr. representant partiet har i kommunestyret. Av reglane for utbetaling av støtte før 01.01.06 (retningslinjer P-650), kan nemnast at støtte berre vert gjeve til registrerte politiske parti (difor ikkje til t.d. ”bygdelister”), og at det er samansetninga av kommunestyret etter valet som er avgjerande, ikkje evt. endringar som skjer i løpet av perioden.

I nabokommunane våre i Nordhordland ser det ut til at berre Lindås kommune har handsama saka i kommunestyret, og Radøy kommune har handsama saka i formannskapet. Dei andre kommunane har betalt ut støtte etter satsane som gjaldt i 2005, og enno ikkje handsama saka politisk. Lindås kommune vedtok å vidareføre dei satsane som var i 2005, og indeksregulere desse med utgangspunkt i 2005. Radøy kommune vedtok å utbetale det same i støtte i 2006 som for 2005 (dei hadde allereie budsjettert utan refusjon for 2006), men at nivået seinare år vert fastsett gjennom dei årlege budsjettvedtaka.

Vurdering:

Rådmannen vurderer kommunal støtte til lokale parti som svært viktig for at det lokale demokratiet skal fungere. I eit fungerande lokaldemokrati, bør ikkje partiarbeidet vere avhengig av gåver frå enkeltpersonar. Rådmannen innstiller difor på at støtteordninga vert vidareført, eller at partia finn ei anna støtteordning for lokale parti etter den valoppslutning dei har fått ved siste kommuneval.

Rådmannen er i tvil om ein bør velgje ein fast indeksregulering, eller om støtta skal verte regulert pr. år via budsjettprosessen. Rådmannen innstiller på regulering via budsjettprosessen, men ber politkarane vurdere om dette er ei tenleg ordning, eller om demokratiet då kan verte ein salderingspost i trange tider.

RÅDMANNEN SITT FRAMLEGG TIL VEDTAK:

Fedje kommune vidarefører ordninga med tilskot til politiske parti/kommunestyregrupper i 2006, etter same reglar som tidlegare (retningslinjer P-650). Satsane for 2006 er 3090 kr i grunnbeløp for å ha ei kommunestyregruppe, og 1110 kr pr. representant eit parti har i kommunestyret. Nivået for seinare år vert fastsett gjennom dei årlege budsjettvedtaka.

Inndekning av tilskott for 2006 vert handsama i samband med budsjetrullering i år.

22.05.2006 FORMANNSKAP

F-041/06 VEDTAK:

Fedje kommune vidarefører ordninga med tilskot til politiske parti/kommunestyregrupper i 2006, etter same reglar som tidlegare (retningsliner P-650). Satsane for 2006 er 3090 kr i grunnbeløp for å ha ei kommunestyregruppe, og 1110 kr pr. representant eit parti har i kommunestyret. Nivået for seinare år vert fastsett gjennom dei årlege budsjettvedtaka.

Inndekning av tilskott for 2006 vert handsama i samband med budsjetrullering i år.

Samrøystes vedteke.

08.06.2006 KOMMUNESTYRET

K-031/06 VEDTAK:

Fedje kommune vidarefører ordninga med tilskot til politiske parti/kommunestyregrupper i 2006, etter same reglar som tidlegare (retningsliner P-650). Satsane for 2006 er 3090 kr i grunnbeløp for å ha ei kommunestyregruppe, og 1110 kr pr. representant eit parti har i kommunestyret. Nivået for seinare år vert fastsett gjennom dei årlege budsjettvedtaka.

Inndekning av tilskott for 2006 vert handsama i samband med budsjetrullering i år.

Samrøystes vedteke.